



Broj: 01-84/21
Vareš, 29.04. 2021. godine

Z A P I S N I K
sa 3. sjednice Općinskog vijeća Vareš,
održane 31.03. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Nikola Šimić i Edib Zubača.

Odsutni: Amela Brkić i Malik Rizvanović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 3. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika – gosp. Ermin Musa, i Čedomir Jelić, ispred Službe za privredu finansije i trezor – gosp. Stela Terzić i direktor JU Dom zdravlja Vareš gosp. Fikret Operta.

Sekretar OV Leon Pavlović izvijestio je Vijeće da je na 2. sjednici OV održanoj 25.02.2021. godine, Vijeće donijelo šest (6) zaključaka. Četiri (4) zaključka su realizovana a dva (2) zaključka su u toku realizacije. Postavljeno je jedanaest (11) vijećničkih pitanja. Na 10 pitanja nadležni su dostavili podnosiocima pisani odgovor a na jedno (1) pitanje se čeka odgovor od firme Biss-tours d.o.o. Zenica.

Općinski načelnik pod aktuelnim pitanjima nije imao obraćanje.

(Vijećnička pitanja)

Igor Hinger

1. Pitanje se odnosi na Službu za prostorno uređenje a u vezi sa ekologijom-stanjem na području općine Vareš po pitanju divljih deponija, njihovim lociranjem i uklanjanjem, edukacijom u ovoj oblasti sa tendencijom utjecaja na ekološku svijest građana za period 2019. godina i 2020. godina, detaljan

plan aktivnosti u 2021. godini razrađen po mjesecima počevši od travnja 2021. godine.

Također me zanima ima li općina eko policajca i šta je opis poslova eko policajca? Obuhvata li njegov posao izlazak na teren ili se sve svodi na uredski posao. Ako da, koliko puta je u 2019. i 2020. Izašao na teren? Da li je nekom Odlukom regulirana kazna za nesavjesne zagađivače? Ako da, koliko je kazni izdao, odnosno naplatio? Po čijem nalogu izlazi na teren?

2. Pitanje je usmjereno na Ministarstvo za prostorno uređenje, promet i komunikacije i zaštitu okoline Ze-Do kantona, a u vezi popravke rasvjete u tunelu na regionalnom putu R-444, Vareš-Ponikve.

Šaban Ibrišimović

3. Kada će kantonalna direkcija cesta ZDK na regionalnoj cesti R 444, kao nadležna direkcija za izgradnju, održavanje i zaštitu regionalnih cesta, sanirati rasvjetna tijela, koja su uništena djelovanjem vode i leda duž samog objekta tunela.

Inicijativa- O uvrštavanju RC 444a Vareš-PodRatanj na projektovanoj dionici Pogar-Luke (u dužini od 2 km) za asfaltiranje kroz Plan utroška finansijskih sredstava za ove namjene planirane u budžetskoj 2021. godini putem Ministarstva za prostorno uređenje promet i komunikacije i zaštitu okoline, vlade ZDK.

Dario Dodik

4. Da li se u skorije vrijeme Općinski načelnik obraćao Ministarstvu za prostorno uređenje, promet i komunikacije i zaštitu okoline Zeničko Dobojskog kantona sa zahtjevom za nastavak asfaltiranja putne komunikacije Vijaka-Podkamensko odnosno Regionalnog puta R-444?
5. Koliko je osoba zaposleno u prethodnom i novom mandatu načelnika sa datumom sačinjavanja traženog izvještaja, uključujući i organe i institucije koje se finansiraju iz budžeta Općine (npr. Centar za kulturu).

U izvještaju dostaviti imena i prezimena novouposlenih sa podacima o stručnoj spremi te poziciji na koju su zaposleni?

Navesti imena i stručnu spremu osoba koje su angažirane po osnovu ugovora o djelu, npr. uposlenici Turist infa i drugi?

Također dostaviti podatke za osobe kojima je u navedenom periodu prestao radni odnos sa podacima o radnom mjestu i stručnoj spremi bivših uposlenika?

Dostaviti podatke za osobe kojima radni odnos treba prestati do kraja 2024. godine po osnovu odlaska u mirovinu sa podacima o traženoj stručnoj spremi za radna mjesta koja će ostati upražnjena.

Ukoliko postoje upražnjene pozicije koje je neophodno popuniti kako bi se obezbijedio nesmetan rad općinskih službi dostaviti i podatke o tim upražnjenim radnim mjestima.

Navedeni podaci će biti korišteni za izradu prijedloga smanjenja broja uposlenih koji se finansiraju iz općinskog budžeta, kako bi se u budućem periodu omogućila redovna isplata plaća i pripadajućih doprinosa uposlenima, te smanjilo budžetsko opterećenje po ovoj budžetskoj stavci.

Nedžad Mušanović

6. Pitanje postavljam načelniku. Da li postoji mogućnost da se Mjesnim zajednicama na području općine Vareš, češće isplaćuje novčani iznos koji ih sljeduje u toku jedne kalendarske godine?

Emir Islamović

7. Pitanje bih postavio Službi za prostorno uređenje. A odnosi se objekt koji se nalazi kod Energopetrolove pumpe. U kojem je svojstvu taj objekt i njegov pravni status?

Nurdin Begović

8. Koliko Općina Vareš ima stanova i poslovnih prostora u svom vlasništvu? Da li su takvi stanovi i poslovni objekti prazni ili su dati na korištenje? Ukoliko su isti ustupljeni/dati na korištenje, po kojem ugovoru i kriterijumima je to urađeno?
9. Da li je i koliko JP „Vareš-stan“ d.o.o. Vareš kao upravitelj, u prošloj 2020.godini, poduzeo radnji koje za cilj imaju sprječavanje daljeg otpadanja dijelova fasade sa stambenih zgrada? Ukoliko su postojali takvi radovi, na kojim stambenim objektima su urađeni isti?

Asmir Čizmo

10. Postoji li mogućnost skorije sanacije kritičnih dijelova puta tj. krpjenje rupa od skretanja za naselje Selište, kroz Selište, završno sa naseljem Pruga?

Mirnes Ajanaović

11. Ovo može biti na neki način i *inicijativa* u formi vijećničkog pitanja, pa predlažem Općinskom načelniku da povede o tome računa.
Znamo da se dosta naših puteva na lokalni i prema našim selima na pojedinim dionicama zna biti vrlo opasno za saobraćaj a posebno u zimskim uslovima. Svjedoci smo i na sreću izbjegnute nesreće, pa i prave katastrofe nedavno kada je klizao autobus sa djecom koja su krenula u školu sa Budoželja.
Nećemo ulaziti u brojne razloge i faktore koji su uticali ali srećom izbjegnuta je nesreća.

Kroz taj primjer ističu se dva problema:

1. Tehnička ispravnost i uopšte stanje u firmi autoprijevoznika koji obavlja usluge prijevoza.
2. Aspekt sigurnosti na našim lokalnim putevima koji često idu i iznad provalija koje nisu obezbjeđene nikakvim načinima zaštite barem na onim najkritičnijim mjestima i tačkama.

Postoji li mogućnost, a kao član SDP-a predlažem da se to učini u narednom periodu, neka vrsta elaborata a nakon toga i konkretnog projekta koji bi se uputio za obezbjeđenje najkritičnijih tački i najopasnijih mjesta na putevima prema našim selima. Razni su načini na koji se mogu fizički obezbjeđiti kritične i opasne tačke na našim putevima a taj način obezbjeđenja u tehničkom smislu treba da bude i dio tog elaborata nadležne općinske službe kao i projekta koji bi se izradio i uputio prema resornom ministarstvu da se isfinansira.

Ako već nemamo mogućnost i sredstva za popravku naše lokalne putne mreže dajte da pokušamo barem da je obezbjedimo tamo gdje je potencijalno opasno i rizično za saobraćaj.

Traži pisani odgovor, radi eventualne potrebe iniciranja posebne tačke za raspravu na sljedećim sjednicama.

Predsjedavajuća OV stavila je na raspravu Zapisnik sa 2. sjednice OV.

Nije bilo primjedbi i predsjedavajuća OV stavila je na izjašnjanje Zapisnik sa 2. sjednice OV i nakon izjašnjanja vijećnika konstatuje da je **jednoglasno sa (17 glasova „ZA“) usvojen Zapisnik sa 2. sjednice OV.**

Predsjedavajuća OV stavila je na raspravu prijedlog dnevnog reda za 3. sjednicu OV koji je usaglašen na Kolegiju Općinskog vijeća.

Pomoćnik načelnika gosp. Ermin Musa ispred ovlaštenog predlagača, uz dato pojašnjenje predložio je dopunu dnevnog reda sa dvije tačke i to: -„*Prijedlog Zaključka o izmjeni Zaključka Općinskog vijeća vareš, broj: 01-41/20 od 24.04.2020. godine i „Prijedlog Odluke o načinu i uslovima raspolaganja nekretninama u vlasništvu Općine Vareš (zgrada zdravstvene djelatnosti „Stacionar“) u Vareš Majdanu.*

Predsjedavajuća OV upoznala je prisutne sa donesenim Zaključkom na Kolegiju OV u vezi epidemiološkog stanja na području općine Vareš izazvanog korona virusom Covid 19. S tim u vezi predložila je dopunu dnevnog reda sa tačkom 1.,„*Informacija o stanju provođenja epidemioloških mjera na području Općine Vareš.*“

Također je upoznala prisutne da je Kolegij OV zaključio da se zbog epidemiološkog stanja na našoj općini, tačke Prijedlog Odluke o raspisivanju izbora za članove Savjeta mjesnih zajednica na području općine Vareš i Prijedlog Rješenja o imenovanju Komisije za utvrđivanje rezultata izbora za članove Savjeta mjesnih zajednica na području općine Vareš, vrata predlagaču i da Služba za opću upravu, društvene djelatnosti i BiZ za narednu sjednicu OV pripremi i Vijeću dostavi Prijedlog Odluke o odgađanju izbora za članove savjeta mjesnih zajednica na području općine Vareš na period do 6 mjeseci.

Sekretar OV podsjetio je prisutne na zaključak Komisije za statutarna pitanja i propise u vezi gore navedenog prijedloga Odluke i da se isti uvaži da se tokom rasprave po tački Prijedlog Odluke o raspisivanju izbora za članove Savjeta mjesnih zajednica na području općine Vareš ista vrati Službi za opću upravu, društvene djelatnosti i BiZ, da se za narednu sjednicu OV pripremi i Vijeću dostavi Prijedlog Odluke o odgađanju izbora za članove savjeta

mjesnih zajednica na području općine Vareš na period do 6 mjeseci, a samim tim da se Prijedlog Rješenja o imenovanju Komisije za utvrđivanje rezultata izbora za članove Savjeta mjesnih zajednica na području općine Vareš povuče sa dnevnog reda u toku rasprave po istom.

Vijećnik Dario Dodik zamolio je ovlaštenog predlagača da se prilikom uvrštavanja tački kao dopuna dnevnog reda na samoj sjednici OV o istim da opširnije obrazloženje.

Općinski načelnik Zdravko Marošević dao je dopunsko pojašnjenje za prijedlog dopune dnevnog reda sa dvije tačke koje je ispred ovlaštenog predlagača predložio pomoćnik načelnika Ermin Musa.

Vijećnik Hinger Igor zamolio je ovlaštenog predlagača da se u ovakvim slučajevima tačke dostavljaju OV putem e-maila.

Nije više bilo učesnika u raspravi i predsjedavajuća OV stavila je na izjašnjenje prijedlog dnevnog reda 3. sjednice OV sa dopunama i nakon izjašnjenja vijećnika konstatuje da **je jednoglasno (sa 17 glasova „ZA“) usvojen sljedeći**

Dnevni red

1. Informacija o stanju provođenja epidemioloških mjera na području općine Vareš.
Izjestilac: Direktor JU Dom zdravlja Vareš.
2. Prijedlog Zaključka o izmjeni Zaključka Općinskog vijeća broj: 01-41/20 od 24.04.2020. godine.
Izjestilac: Ermin Musa.
3. Prijedlog Odluke o načinu i uslovima raspolaganja nekretninama u vlasništvu Općine Vareš (zgrada zdravstvene djelatnosti „Stacionar“) u Vareš Majdanu.
Izjestilac: Ermin Musa.
4. Izveštaj o izvršenju proračuna/budžeta Općine Vareš za period januar/siječanj-decembar/prosinac 2020. godine.
Izjestilac: Općinski načelnik
5. Prijedlog proračuna/budžeta Općine Vareš za 2021. godinu.
Izjestilac: Općinski načelnik
6. Prijedlog Odluke o izvršenju proračuna/budžeta Općine Vareš za 2021. godinu.
Izjestilac: Općinski načelnik
7. Izveštaj o radu Jedinog općinskog organa uprave Općine Vareš i Općinskog načelnika za 2020. godinu.
Izjestilac: Općinski načelnik
8. Prijedlog Odluke o gubitku statusa javnog dobra u općoj upotrebi.
Izjestilac: Ermin Musa
9. Prijedlog Odluke o raspisivanju izbora za članove savjeta mjesnih zajednica na području općine Vareš.
Izjestilac: Čedomir Jelić

10. Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.
Izjestilac: Čedomir Jelić
11. Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta u proširenom koncesionom polju „Rupice-Borovica“ za potrebe „Eastern Mining“ d.o.o. Vareš.
Izjestilac: Ermin Musa
12. Izvještaj o rješavanju upravnih stvari u upravnom postupku svih općinskih službi za upravu u 2020. godini.
Izjestilac: Čedomir Jelić
13. Izvještaj o realizaciji Odluke općinskog fonda za vatrogastvo u 2020. godini.
Izjestilac: Ibrahim Spahić
14. Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća u 2021. godini.
Izjestilac: Ibrahim Spahić
15. Tekuća pitanja

Ad. 1.

(Informacija o stanju provođenja epidemioloških mjera na području općine Vareš.)

Predsjedavajuća OV konstatovala je da su svi vijećnici dobili Informaciju o stanju provođenja epidemioloških mjera od JU Dom zdravlja Vareš kao i Informaciju dostavljenu od PS Vareš.

Direktor JU Dom zdravlja Vareš gosp. Fikret Operta u svom opširnom izlaganju, upoznao je Vijeće o radu ustanove i stanju provođenja epidemioloških mjera na području općine Vareš, broju testiranih, zaraženih i umrlih lica na području naše općine od početka pandemije, kao i o donacijama medicinske i zaštitne opreme.

Otvorena je rasprava u kojoj su svoja mišljenja, prijedloge i pitanja iznijeli vijećnici: Dario Dodik (predložio je da se pokuša naći neki modus da se osigura prevoz zaraženih na terapije u JU Dom zdravlja Vareš), Maja Berberović (predložila da Vijeće prihvati prijedlog JU Dom zdravlja Vareš i donese Zaključak koji će se uputiti prema Upravnom odboru ZZO ZDK, Ministarstvu zdravstva ZDK i Premijeru Vlade ZDK, da se privremeno dok traje pandemija Covid 19, obustavi vraćanje pozajmice ZZO ZDK od strane Doma zdravlja Vareš), Emir Islamović, Sahudina Beganović i Mirnes Ajanović.

Direktor Fikret Operta u svom obraćanju dao je odgovore na postavljena pitanja vijećnika u raspravi.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o stanju provođenja epidemioloških mjera na području općine Vareš.

Predsjedavajuća OV stavila je na izjašnjavanje prijedlog zaključka koji je u Informaciji predložen od JU Dom zdravlja Vareš koji je podržan od vijećnika koji su učestvovali u raspravi:

Zaključak:

- **Općinsko vijeće Vareš, nakon razmatranja Informacije JU Dom zdravlja Vareš, o stanju provođenja epidemioloških mjera od Covida 19 na području općine Vareš obraća se Ministarstvu zdravstva ZDK, premijeru Vlade ZDK i Upravnom odboru ZZO ZDK sa molbom da se privremeno, dok traje pandemija Covid 19, obustavi vraćanje pozajmice ZZO ZDK od strane JU Dom zdravlja Vareš u mjesečnom iznosu od 6.057,92 KM.**

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“)** (odsutni vijećnici: Šaban Ibrišimović i Asmir Čizmo) **usvojen predloženi Zaključak.**

Predsjedavajuća OV pozvala je vijećnika Dodik Daria da formuliše predloženi zaključak.

Vijećnik Dodik Dario predložio je da Vijeće *usvoji Zaključak kojim se obavezuju: Općinski načelnik, Dom zdravlja Vareš, Služba za civilnu zaštitu i Crveni krst Vareš, da se obezbijedi vozilo i vozač koji bi prevozio zaražene osobe na propisane tretmane u Dom zdravlja Vareš kako se isti ne bi morali kretati po gradu. Da osobi angažiranoj kao vozaču dodijeli se posebna naknada za ovaj posao iz sredstava rezervi ostvarenih po osnovu posebne naknade za zaštitu od prirodnih i drugih nesreća, a da se MUP Vareš obaveže da pojača kontrolu kretanja zaraženih osoba i osoba u izolaciji.*

Općinski načelnik Zdravko Marošević izjavio je da podržava sve rješenja koja idu u prilog zaštite naših građana i da vijećnici prilikom razmatranja Budžeta Općine Vareš za 2021. godinu koji je na dnevnom redu današnje sjednice, razmotre i eventualno ugrade potrebna sredstva u budžet.

U daljnjoj raspravi su učestvovali vijećnici: Dario Dodik i Maja Berberović (koji su predlagali da se sredstva od vijećničkog paušala (ličnog ili zajedničkog) izdvoje i preusmjere za naknadu za prevoz/vozača), Općinski načelnik Zdravko Marošević, predsjedavajuća OV Mahira Brkić i Igor Hinger.

Predsjedavajuća OV uz pojašnjenje predložila je Vijeću, s obzirom da još nije usvojen Budžet za 2021. godinu i nisu predviđena sredstva za te namjene, da se prilikom razmatranja prijedloga Budžeta za 2021. godinu koji je na današnjoj sjednici, povežemo na sve o čemu se diskutovalo i da se iznađe mogućnost da se planiraju određena sredstva i odredi sa koje stavke skinuti ta sredstva i sl..

Predsjedavajuća OV stavila je na izjašnjavanje sljedeći

Zaključak

- 1. Predlaže se Općinsko vijeću da usvoji Zaključak kojim se obavezuje Općinski načelnik, Dom zdravlja Vareš, Civilna zaštita i Crveni krst da obezbijede vozilo i vozača koji bi prevozio zaražene osobe na propisane tretmane u Dom zdravlja Vareš, kako se isti ne bi morali kretati po gradu. Da osobi angažiranoj kao vozaču dodijeli posebnu naknadu za ovaj posao iz sredstava rezervi ostvarenih po osnovu posebne naknade za zaštitu od prirodnih i drugih nesreća, da se MUP Vareš obaveže da pojača kontrolu kretanja zaraženih osoba u izolaciji.**

Predsjedavajuća OV je sugerisala da ukoliko se iznađu sredstva da se isti zaduže da koordiniraju i nađu osobu koja će obavljati te zadatke prevoza pacijenata.

Nakon izjašnjavanja vijećnika predsjedavajuća OV konstatuje da je **jednoglasno (sa 16 glasova „ZA“)** (odsutan vijećnik Mirnes Ajanović) **usvojen predloženi Zaključak.**

Predsjedavajuća OV u svoje lično ime i u ime Općinskog vijeća zahvalila se medicinskom osoblju na doprinosu i uslugama koje pružaju pacijentima.

Ad. 2.

*(Prijedlog Zaključka o izmjeni Zaključka
Općinskog vijeća broj: 01-41/20 od 24.04.2020. godine.)*

Nije bili rasprave po ovoj tački dnevnog reda i predsjedavajuća OV stavila je na izjašnjavanje Prijedlog Zaključka o izmjeni Zaključka Općinskog vijeća broj: 01-41/20 od 24.04.2020. godine.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** **usvojen**

***Zaključak o izmjeni Zaključka
Općinskog vijeća broj: 01-41/20 od 24.04. 2020. godine.***

Ad.3.

*(Prijedlog Odluke o načinu i uslovima raspolaganja nekretninama u vlasništvu
Općine Vareš (zgrada zdravstvene djelatnosti „Stacionar“) u Vareš Majdanu.)*

Općinski načelnik Zdravko Marošević dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (zgrada zdravstvene djelatnosti „Stacionar“) u Vareš Majdanu.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** **usvojena**

***Odluka o načinu i uslovima raspolaganja nekretninama u vlasništvu
Općine Vareš (zgrada zdravstvene djelatnosti „Stacionar“) u Vareš Majdanu.***

Ad.4.

(Izveštaj o izvršenju budžeta/proračuna Općine Vareš za period januar/siječanj-decembar/prosinac 2020. godine.)

Komisija za privredu, finansije i budžet na 1. sjednici održanoj 22.03.2021. godine jednoglasno je donijela sljedeće Zaključke:

1. Komisija prihvata Izveštaj/Izvješće o izvršenju proračunu/budžeta Općine Vareš za period januar/siječanj – decembar/prosinac 2020. godine sa prijedlogom da Služba za privredu, finansije i trezor do naredne sjednice Vijeća pripremi strukturu i ročnost obaveza Općine Vareš prema pravnim licima, fizičkim licima (bez imena) i strukturu obaveza prema organima i organizacijama.
2. Da se iz aktive ustanovi koja potraživanja Općine Vareš mogu biti naplativa a koja da se isknjiže.

Otvorena je rasprava u kojoj su svoja mišljenja, stavove i pitanja iznijeli vijećnici: Nedžad Mušanović, Općinski načelnik Zdravko Marošević, Dario Dodik, šefica Odsjeka za finansije Stela Terzić (dala pojašnjenje vijećniku Dodik Dariu u vezi rashoda po osnovu plaća), predsjedavajuća OV Mahira Brkić, Emir Islamović, (predsjedavajuća OV i Općinski načelnik dali su odgovore na postavljena pitanja vijećnika Emira Islamović u vezi uplaćenih sredstva JU Dom zdravlja Vareš i prisustvovanja na sjednici OV predsjednice Komisije za budžet) i Emir Islamović (replika).

Zaključena je rasprava i predsjedavajuća OV stavila je na izjašnjavaње Izveštaj o izvršenju budžeta/proračuna Općine Vareš za period januar/siječanj-decembar/prosinac 2020. godine.

Nakon izjašnjavaња vijećnika predsjedavajuća OV konstatuje da **sa 9 glasova „ZA“, 6 glasova „PROTIV“ i 2 „SUZDRŽANA“ glasa nije usvojen**

Izveštaj o izvršenju budžeta/proračuna Općine Vareš za period januar/siječanj-decembar/prosinac 2020. godine.

Ad.5.

(Prijedlog budžeta/proračuna Općine Vareš za 2021. godinu.)

Komisija za privredu, finansije i budžet na 1. sjednici održanoj 22.03.2021. godine donijela je sljedeće Zaključke:

1. Komisija prihvata Prijedlog budžeta/proračuna Općine Vareš za 2021. godinu i upućuje ga Vijeću na razmatranje i usvajanje.

Nakon izjašnjavaња predsjednica konstatuje da je sa 3 glasa „ZA“ i 1 glasom „PROTIV“ usvojen predloženi Zaključak.

2. Neophodno je u donošenju budžeta uključiti stavke sanacije, odnosno stavke koje predviđaju izdatke za sanaciju deficita, jer predviđeni iznos u prijedlogu budžeta nije dovoljan.

Nakon izjašnjavanja predsjednica konstatuje da je sa 3 glasa „ZA“ i 1 „SUZDRŽANIM“ glasom usvojen predloženi Zaključak.

Predsjednica Komisije Enida Imamagić iznijela je svoje mišljenje i zatražila da se unese u Zapisnik.

„Generalno: Budžet nije razvojni: ne sadrži niti jednu stavku, osim rashoda za izradu projektne dokumentacije, koja ukazuje na ulaganje u infrastrukturne projekte od životne važnosti za građane. 56% planiranog budžeta se troši na bruto plaće i materijalne izdatke uposlenika. I pored toga predviđeno je upošljavanje 5 dodatnih radnika.“

Općinski načelnik Zdravko Marošević u svom obraćanju upoznao je Vijeće da su određeni prijedlozi i amandmani iznijeti na Javnoj raspravi o Nacrtu Budžeta uvaženi. Zamolio je vijećnike ako budu imali prijedloga za korigovanjem određenih stavki u budžetu da navedu sa koje stavke i na koju prebaciti sredstva.

Otvorena je rasprava u kojoj su svoje primjedbe, prijedloge, sugestije, mišljenja i pitanja iznijeli vijećnici: Asmir Čizmo (*predložio je da se ekonomski kod 613941 „primarna opća zdravstvena zaštita“ poveća za iznos od 5.000,00 KM, tako da se ekonomski kod 614311 „grantovi udruženjima građana“ umanji za iznos od 2.000,00 KM, 613991 „učesće u zajedničkim projektima“ za 2.000,00 i 613991 „obilježavanje značajnih datuma „ za iznos od 1.000,00KM*), Nazif Hajrić, Zubača Edib, Dodik Dario (*predlaže da se naknada za porez prometa nekretnina, koja trebaju biti uplaćena Općini Vareš, a vezano za prodaju SRC Doli, u budžetu po mogućnosti budu raspoređena u infrastrukturne projekte*), Sahudina Beganović, Općinski načelnik Zdravko Marošević (iznio je mišljenje u vezi diskusije vijećnika Ediba Zubače vezano za način izdvajanja sredstava Udruženju „Žučo“ Vareš), Nazif Hajrić (replika), Emir Islamović, Mirnes Ajanović, Maja Bereberović, Nazif Hajrić (replika), predsjedavajuća OV Mahira Brkić (uz dato obrazloženje skrenula je pažnju da vijećnici usmjere raspravu na tačku dnevnog reda), Mario Mirčić i Emir Islamović (replika).

Predsjedavajuća OV pozvala je ovlaštenog predlagača da se izjasni o predloženim amandmanima vijećnika Asmira Čizme i Daria Dodik iznesenim u raspravi.

Općinski načelnik u svom obraćanju u vezi iznesenih amandmana izjavio je da prihvata sve što ima opravdano rješenje da se sa jedne stavke prebaci na drugu.

Zaključena je rasprava i predsjedavajuća OV stavila je na izjašnjavanje Prijedlog bužeta/proračuna Općine Vareš za 2021. godinu uz predložena dva amandmana.

Nakon izjašnjavanja vijećnika predsjedavajuća OV konstatuje da sa **9 glasova „ZA“**, **6 glasova „PROTIV“** i **2 „SUZDRŽANA“ glasa nije usvojen**

Proračun/budžet Općine vareš za 2021. godinu.

Ad.6.

(Prijedlog Odluke o izvršenju proračuna/budžeta Općine Vareš za 2021. godinu.)

Komisija za privredu, finansije i budžet na 1. sjednici održanoj 22.03.2021. godine sa 3 glasa „ZA“ i 1 glasom „PROTIV“ donijela je sljedeći Zaključak:

- Komisija prihvata Prijedlog Odluke o izvršenju budžeta/proračuna Općine Vareš za 2021. godinu i upućuje ga Vijeću na razmatranje i usvajanje.

Komisija za statutarna pitanja i propise na 1. sjednici održanoj 22.03.2021. godine jednoglasno je donijela sljedeći Zaključak:

- Komisija nema primjedbi na Prijedlog Odluke o izvršenju proračuna/budžeta Općine Vareš za 2021. godinu s tim da se u članu 17. Prijedloga Odluke iza riječi „vijećnicima“ dodaju i riječi „i članovima stalnih radnih tijela“. Prijedlog Odluke upućuje se Vijeću na razmatranje i usvajanje.

Predsjedavajuća OV konstatuje da se ova tačka povlači sa dnevnog reda zbog neusvajanja Budžeta/proračuna Općine Vareš za 2021. godinu.

Ad.7.

(Izveštaj o radu Jedinственog općinskog organa uprave Općine Vareš i Općinskog načelnika za 2020. godinu.)

Općinski načelnik u kratkom obraćanju iznio je svoje mišljenje o radu Jedinственog općinskog organa uprave Općine.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o radu Jedinственog općinskog organa uprave Općine Vareš i Općinskog načelnika za 2020. godinu.

Nakon izjašnjavanja vijećnika predsjedavajuća OV konstatuje da **sa 9 glasova „ZA“, 6 glasova „PROTIV“ i 2 „SUZDRŽANA“ glasa nije usvojen**

Izveštaj o radu Jedinственog općinskog organa uprave Općine Vareš i Općinskog načelnika za 2020. godinu.

Ad.8.

(Prijedlog Odluke o gubitku statusa javnog dobra u općoj upotrebi.)

Komisija za statutarna pitanja i propise na 1. sjednici održanoj 22.03.2021. godine jednoglasno je donijela sljedeći Zaključak:

- Komisija nema primjedbi na Prijedlog Odluke o gubitku statusa javnog dobra u općoj upotrebi, uz dopunu da se u preambuli prijedloga iza navedenih Sl. novina FBiH broj: 12/10 dodaju i brojevi 16/10 i 66/13. Prijedlog Odluke upućuje se Vijeću na razmatranje i usvajanje.

Ispred ovlaštenog predlagача pomoćnik načelnika Ermin Musa dao je dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o gubitku statusa javnog dobra u općoj upotrebi.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“) usvojena**

Odluka o gubitku statusa javnog dobra u općoj upotrebi.

Ad.9.

(Prijedlog Odluke o raspisivanju izbora za članove savjeta mjesnih zajednica na području općine Vareš.)

Komisija za statutarna pitanja i propise na 1. sjednici održanoj 22.03.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke i predlaže da Općinsko vijeće Prijedlog Odluke o raspisivanju izbora za članove savjeta mjesnih zajednica na području općine Vareš vrati predlagачu i zaduži Službu za opću upravu, društvene djelatnosti i BiZ da za narednu sjednicu OV pripremi i Vijeću dostavi Prijedlog Odluke o odgađanju izbora za članove savjeta mjesnih zajednica na području općine Vareš na period do 6 mjeseci.**

Ispred ovlaštenog predlagачa pomoćnik načelnika Čedomir Jelić u svom obraćanju predložio je da Vijeće podrži Zaključak Komisije za statutarna pitanja i propise i da se točka 10. Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš povuče sa dnevnog reda i prolongira na period do 6 mjeseci.

Predsjedavajuća OV stavila je na izjašnjavanje Zaključak Komisije za statutarna pitanja i propise.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“) usvojen Zaključak.**

Ad.10.

(Prijedlog Rješenja o imenovanju Komisije za utvrđivanje rezultata izbora za članove savjeta mjesnih zajednica na području općine Vareš.)

Predsjedavajuća OV konstatira da je ova točka povučena sa dnevnog reda.

Ad.11.

(Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta u proširenom koncesionom polju „Rupice-Borovica“ za potrebe „Eastern Mining“ d.o.o. Vareš.)

Ispred predlagača pomoćnik načelnika Ermin Musa dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Nikola Šimić (traži da zahtjeve koji su izneseni na javnoj raspravi održanoj 31.08.2020. godine u MZ Borovica, nadležna služba uzme u razmatranje pri donošenju ovih zaključaka i da pomognu ljudima koji im se obrate kad je u pitanju otkup ovog zemljišta) i Emir Islamović.

Zaključena je rasprava i predsjedavajuća OV stavila je na izjašnjavanje Prijedlog Zaključka o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta u proširenom koncesionom polju „Rupice-Borovica“ za potrebe „Eastern Mining“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** usvojen

Zaključak o davanju saglasnosti na stručnu ocjenu o mogućnosti odobravanja planirane promjene u prostoru, odnosno mogućnosti izgradnje objekta u proširenom koncesionom polju „Rupice-Borovica“ za potrebe „Eastern Mining“ d.o.o. Vareš.

Ad.12.

(Izveštaj o rješavanju upravnih stvari u upravnom postupku svih općinskih službi za upravu u 2020. godini.)

Predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2020. godini.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** usvojen

Izveštaj o rješavanju upravnih stvari u upravnom postupku svih općinskih službi za upravu u 2020. godini.

Ad.13.

(Izveštaj o realizaciji Odluke općinskog fonda za vatrogastvo u 2020. godini.)

Predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjanje Izveštaj o realizaciji Odluke općinskog fonda za vatrogastvo u 2020. godini.

Nakon izjašnjanja vijećnika predsjedavajuća OV konstatuje da je **jednoglasno (sa 17 glasova „ZA“) usvojen**

Izveštaj o realizaciji Odluke općinskog fonda za vatrogastvo u 2020. godini.

Ad.14.

(Prijedlog Programa rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća u 2021. godini.)

Predlagač nije imao dodatno pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjanje Prijedlog Programa rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća u 2021. godini.

Nakon izjašnjanja vijećnika predsjedavajuća OV konstatuje da je **jednoglasno (sa 17 glasova „ZA“) usvojen**

Program rasporeda i utroška sredstava ostvarenih po osnovu posebne naknade za zaštitu od prirodnih i drugih nesreća u 2021. godini.

Ad.15.

(Tekuća pitanja.)

Predsjedavajuća OV upoznala je prisutne sa pristiglom poštom:

- 1.** Dopis-Upozorenje na zakonsku obavezu izvršenja budžeta Općine Vareš u svrhu plaćanja doprinosa za zdravstveno osiguranje, zahtjev za sprečavanje diskriminacije zaposlenika, dostavljen od zaposlenice organa uprave Općine Vareš gosp. Dženane Bešić Junuzović 12.03.2021. godine.

Predsjedavajuća OV upoznala je prisutne da su sa navedenim dopisom upoznati nadležni i da je u Izveštaju sa Javne rasprave po Nacrtu budžeta Općine Vareš za 2021. godinu broj: 02-492/21 od 15.03.2021. godine navedeno da je njen zahtjev prihvaćen i da će se nastojati pronaći rješenje za istaknuti problem.

Općinski načelnik u svom obraćanju uz dato pojašnjenje, izjavio je da će navedeni problem riješiti.

2. Zahtjev za nabavku sijalica za uličnu rasvjetu ul. Pruga i Tirići, od 19.03.2021. godine dostavljen od mještana ul Pruga i Tirići.

Općinski načelnik upoznao je prisutne da postoji problem sa uličnom rasvjetom i na mjestima gdje postoji veći problem potrebno je uraditi projekte, izmijeniti kompletnu liniju u dužini par stotina metara. Izjavio je da su operateri upoznati i da će pristupiti potrebnim radovima u navedenim ulicama, kao i na drugim mjestima u gradu.

3. Općinski načelnik u vezi sa postavljenim pitanjem vijećnice Amele Brkić na prošloj sjednici OV izvijestio je prisutne da je kontaktirao sa menedžmentom firme Biss Tours Zenica vezano sa ukidanje autobuske linije Vareš-Zenica. Linija je ukinuta iz ekonomskih razloga zbog trenutnog stanja izazvanog pandemijom. Eventualno rješenje i uspostavljanje jedne linije, bilo bi moguće ako bi Općina Vareš subvencionirala 50 % troškova (oko 2.200,00 KM).

Općinski načelnik čestitao je svima građanima nadolazeće vjerske blagdane.

Pozvao je sve da minutom šutnje odaju počast preminulom penzionisanom radniku organa uprave Općine Vareš gosp. Anđić Bori.

4. Vijećnik Šaban Ibrišimović upoznao je prisutne i javnost o doniranim finansijskim sredstvima za izgradnju školskog objekta u MZ Kokošćići.

5. Predsjedavajuća OV u ime svih vijećnika i u svoje lično ime uputila iskreno saučešće porodici Anđić Bore.

Predsjedavajuća OV u ime svih vijećnika i u svoje lično ime čestitala je svim građanima katoličke vjeroispovijedi blagdan Uskrs, a građanima islamske vjeroispovijedi nadolazeći Ramazan.

Sastavni dio ovog Zapisnika je audio zapis sjednice.

Sjednica je završena u 17,20 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALA
OPĆINSKOG VIJEĆA***

Mahira Brkić